



養素堂文集卷五

序三

昭叅劉將軍戰功紀事序

蓋商玉帳珠韜嬾陰符之六甲楓天棗地啓太乙之三門
故績偉狀於麒麟光生紫閣鏘茂勛於鐘鼎名上青霄然
攀大樹以望將軍指陳圖而思丞相率皆身經百戰聞金
鼓而長歌惠感三軍橫瑠戈而起舞是則書數行於孫綽
反在生前紀遺事於邵冲不必身後矣若我昭叅將軍穎
思公者樂陵望姓涿野名門儀表沈雄丰神果毅讀書馬

養素堂文集

卷五

一

上清譚劍端多算邇權謀專精知良藥受風后之金法規
參井之鉞星芑國焦原卻行劑踵堯席隋壁直上過尋名
怖小兒画形可以辟瘧呼隕偷賊視罔不啻飛仙世共詫
爲龍超人爭傳其彪怒爰以迨灶之歲卽膺翹爾之科獨
迺孤虛偏工刻注遠門射法遠中戟枝養由箭神連穿楊
葉遂於戊申之載賢書以登復於己酉之年春官克捷

皇恩優渥

禁籟步趨近咫尺之

天顏沐九重之雨露觚稜日曉扶赤鞵而馳銅漏箭沈跨
黃芝而去因之摩幾祕冊金籐玉版之文索隱靈鈴子女



黃公之畧每當酒酣耳熱擊壺拊老驥而吟霜厲秋空挽
弧向天狼而射蓋自信淮陰受拜定策珠盤車騎登壇推
功玉案也乃以

乾清門行忝期滿授襄陽鎮中營守備浪瀾鱗舒颺高羽
展練兵如荼火布令似冰霜則形勢山川無勞聚米陳圖
蛇鳥不待合籠故聞丁昨之猛驍戢其馘虐憚韓果之勁
健徙乃種廬時復拔璣雲亭吟詩雨館春秋肄試步伍應
規唱大角之歌姓名誌矢立鐵簾之格賞罰應期信無愧
細柳之將軍長松之都尉已當是時也巴棧雲迷襄江水
沸妖鳥競扇毒虺潛吹卒雖聚夫籠東城欲被乃簞笠君

養素堂文集

卷五

二

則荷戈效命負羽從征手雙戟八十斤腰大弓三百石側
盾探穴超柵前禽虜苦蝘於溺中縛樊崇於戲下

嘉慶元年生擒

首逆賀人傑營平受律羌罕料其犁庭李愬親師淮蔡聞而悸

魄軍門嘉乃丕績

天子念厥戎功遂有雲南鶴麗鎮左營都司之命旣而餘
妖吐霧遺寇含沙房竹山青濛川月黑甓根未殪而鬩怒
牛角未殲而弭疆君則直冒槍雷平馳渠倉遙擲銃鏡仆
著絳之麻胡近擊兜蓋殪控弦之梟酋收苻融於渭水破

王邑於昆陽

生擒賊首張正謨劉宏鐸

皇心嘉之是以有花翎之賜

二年

維時赤眉旣喧於三輔

青犢復鬪於兩川鶻號魏興之樓烽連安康之壘君則勇氣彌厲報國益殷卷甲長驅銜枚遠襲騰耀鐵歛之騎勒四甄而截其奔奮飄風暴雨之徙然萬炬以蹙其逸遂使安人受戮于利趾蜀子被吞于瞎巴

生擒賊首劉超榮

由是草

木爲兵驚雪夜之鷺鳴風霆助氣驅霜鎧之貔貅壘揭於葭萌鋒交於梁廣九上九下操刺如飛百戰百勝摧枯似葉蚰蜒築壘增右牝左牡之防鵬鷁揚旗成沃雪燎薪之勢馬隆到西域而樹機破韋臬度鐵嶺而南番降

自楚陝入川至

三年在巴州生擒賊首羅其清其書殺賊首冉文偉

不其然乎夫身居末將而勇冠

旌門位在支軍而謀參幕府此河州鎮左營遊擊之階大

養素堂文集

卷五

三

吏奏之

天子允之與然且郎池之竅寇未除寶城之伏莽仍熾君乃急繕其怒投袂未遑飢不先餐渴不獨飲攻堅陷銳批亢擣虛桓桓焉尅尅爾破項羽之甌盞舞袁紹之衝梯鼓楊璇之灰囊置傅永之火瓠以故夙沙智絕飛燕塗窮繫以終軍之長纓貫以俊臣之巨木而後宕渠爲之恬浪潏山于焉息塵

四年在廣安藏斃賊首冷天祿生擒賊首張長庚

孰知驚鳥疑影逸

獸奔林仇池之山如城據之以爲天塹滄泉之水似箭壅之不能方舟虎儼負其險岫梟羣噪於高樹君乃九折叱王尊之馭三夏曩鄧艾之繇蒙雨而前如雷斯疾兔失三

窟鼠摧兩牙徵側爲俘驛騎致蠻銅之鼓崑尤被戮髀肩
埋濺血之墳炭厥之捷厥功茂焉是以有陝西波羅營參
將之除

五年事

在昔昌蒙以材智拔萃舍行陳而秉戎麾魏

延以勇畧軼羣自偏裨而登上將君旣總領戎旃師于甄

部乃益思按盪山魍糾虔水蠹爲拋車而繫雉尾懸旃石

而擊龍頭欲焚之而引入葭蘆鯨鯢焦骨欲覆之而蹴赴

羅畢鵬雀摧毛積甲則山齊澆瑩則海捧指掬則盡剽勁

敵叱咤則永靖禳氛遂乃獲息桔槔臺成罽毼六麋膽墮

九虎威銷無異駟馬之載鴻毛奔牛之觸魯綯也

是年勦捕賊首

樊仁傑冉學勝殺獲甚多

於戲廬山九仞難銘苦戰之功壽靡千尋尙

四

養素堂文集 卷五 作勤王之狀此晉洸岷副將固所以酬殊勲而調督標中

甸又所以肅戎行歟

七八年中事

今日者蘿圖奠定芝檢升封

五律成珍九河如鏡充國罷守邊之議去病免出師之勞

君緩帶投壺綸巾御士固宜卜丈人之貞吉何忽向鄙人

而泣然謂此涓滴微勞曾何補於疆場顧茲崇榮顯秩實

自出於艱難憶昔席敝褐寬賤子招龍鍾之笑風饜雪虐

王孫無乞食之門願示後嗣以徵實事余則以爲韓彭屠

狗英盧盜魁將相存乎自彊英雄賴有本色爰允敦懇紀

其委原况屬通家敢從緘默嗟夫紫庭橐筆曾譯隄官槐

構之聲歌鐵槌設經復寫公侯干城之荏烈世之覽者或

有取諸

王璞園觀察嵐谿詩鈔序

世徒以披麗藻吐奇芬爭捷於擊鉢刻燭稚譎於含宮咀
商僂詡詡然自命爲有學而診其大節處則無鮑焦林類
之介潔出則無國僑叔向之猷爲偶值屯遭又復依違類
首罔生苟免不能效蔓子之芻頸先軫之實元是本原不
足卽文齋龍虎詞成廉鏐終屬駢說是爲戲音奚足與言
風雅哉靈石王璞園先生挺用世偉才貌端凝有志節性
恢張好客喜譚笑甚口每當賓朋宴集奮衷抵几縱論天
下事聽者掖耳忘勅語及忠孝節義則又慷慨悲吁如見

養素堂文集

卷五

五

嶠齒裂背握拳透爪狀痴人莫不掩袂雪涕不能自禁斯
其天性豪邁而眞摯有如此者當金川之役先生由貴西
道鐫級來蜀赴登春行帳辦事大帥深奇其計畫泊木果
木師潰則淬磨佩劍使之犀利以地形不復率衆移營行
不數里番賊遮道先生躍馬擲劍奮擊所傷數賊衣血糝
糊賊蓋圍之猶馳突衝擊中銃而亾髮棺如生其友成都
岳廷斌亦沒於匍

朝廷旣贈大僕寺少卿予祭葬賚蔭以慰忠魂而視死如
歸之概究未有爲之表襮者先生之孫階平明府宰江津
一日出嵐谿詩集囑爲點定余受而讀之神禱其詞靜謐

其氣一洗踟躕之習藹然和雅之音斯其涵養又復靖冥
如此也余丁

先大夫憂匆匆返里集匪篋中未經付繳念先生敦園毅
魄常留天地閉必爲國家隱消毒蠱殲厥妖虺與睢陽常
山抗衡詎區區以文字傳然有根之言究不可聽其埋沒
也爰序而歸之階平其閔免繼乃家聲

洪芟唐刺史巴音草序

不聞飄刁刁而靄虺虺乎不聞烏秋秋而蟲彗彗乎猗禕
哉自然之音也浸假而托之于物爲參差爲長離爲國腹
爲居巢則必不能如天籟齊之人工謳吳之人工歛越之

養素堂文集

卷五

六

人工吟楚之人工豔雖滔助連莽繁幽淫蠱要各本其水
土之氣以爲音何居芟唐之非巴人而爲巴音也晉宋玉
對襄王曰陵陽白雪朝日魚離和者不過數人芟唐得毋
盡和者之寡而投以時好乎夫蠶叢之辭龍歸之曲斷椽
之謠穆護之歌恐亦非聒者之所樂聽意若曰余宦于巴
凡耳目所接無之非巴也不得不以巴概詩今卽其詩味
之不穉珮文一歸雅道以脉味五均而敲音者語難同季
突然則壯厲激揚廉悍清勦余安能爲秦聲哉

樊蘇邨詩集序

春秋說題辭云詩之爲言志也詩緯舍神霧云詩之爲言

持也禮記內則注詩者承也然則昔人陳事理章集微探
著必言已志復有持其志者乃能羅列五際下序四始矣
漢中樊君蘇邨沈毅端亮翔實首公顧才高數奇偃蹇一
官時時操觚染翰抒寫鬱律前後出塞登臨游覽狀物懷
人則亢厲奮發壯邁激揚質有其文洗盡雕繪信秦聲之
能夏者也樹于此事苦未伐毛而平昔著論竊謂詩必有
志斯爲有人味蘇邨之作敷摯稔靈導宣寔與精悍之色
溢于楮毫彌令讀者把翫不忍釋手矣

張子白刺史梅屋詩鈔序

詩曷取乎取其持焉爾取其志焉爾持以檢性志以發言

養素堂文集

卷五

七

則代馬飛鸞之章無傷連犴流水積雪之句何勞濯波故
盤靈吹簫邃古亦閭豔曲黃犢食草後賢復有從謠可知
四始源流正多派別六義根柢本自環深矣自人爭意製
賞好殊懷雜體庸音各爲家法偶宗漆吏卽爲仙心閒賤
蘭亭便號絕唱元白未能壓倒徐庾尙隔由旬遂欲僕隸
風騷衙官屈宋彊吳邁而呼父召邢邵以擊牛其於導達
心靈敷陳器象概乎其未聞也子白刺史彊記三篋方簡
二酉經學賈鄭績茂龔黃五緯在胷十奇名世豈直詞人
而已然其包蘊五際斧藻羣言山甫將明魯侯故實情源
秀逸連類含章思業高奇集微揆箸篇章之佳蓋非徒然

今夫登粉詣之宛虹始知匏居之庠陋也觀春山之无寶
乃見龍輔之玼瑕也伐姑繇于因氏伯尙望魁父而棄斤
矣掣摩竭于東瀛詹何向曉涿而收餌矣是以聽樂後之
樂入耳而聾曠振披閱赤將之工飭材而鈇覘協度益屈
盧合潛而後鉅黍之名成盤郢蜚爐而後截鴻之鐸利况
夫大江南北山川鬱奇幕府鼓吹之峯長瀆下若之浪金
庭玉室之隩竹里菰城之殷與夫鸞花滿樹烟月盈舟朱
雀烏龍才人跌蕩楊枝桃葉佳麗笙歌竝足感激精微發
揚襄抱先生挺八父之捷才尋六代之陳迹石頭潮打滿
眼興亡邗上草荒盈襟悽惻淋漓濡筆逸興遄飛矣時復

養素堂文集

卷五

八

支筇領異蠟展捫竒探高密金簡之書摸秦斯赤文之篆
豪情旣暢佳咏斯申又或興來訪戴道重依劉異苔同岑
驂鸞駕鳳亦復激揚鐘律杼軸衿期雄伯之宗當今孰匹
澍也心思牢落聞見柴虎實但康瓠佩無迷穀遲刻筭燭
不及蕭君錯認雉斑人呼宋子質龔文黯良用慙慚乃荷
頒示巨集俾序簡端葉拱負膺未能磨倉雖然桐魚叩石
自以冥通牛鐸諧鐘詎無響感詩家利鈍可得虬言彼眠
挺之材辭尙神禱獵商之士意謝丹青物不縉情詞不極
貌何異入裸壤而褫繡縠遇犂麋而卻鉛雩乎卽或悒悒
寫情流于輕綺是豐藻克瞻風骨不飛亦振采失鮮負聲

無力又何異翦春花以娛童穉雕溝斲以紿鄉愚乎沈隱
侯云天機啟則律呂自調六情滯則音韻頓儻亮哉是語
可告風人今卽刺史之集觀之運氣慨樹義精灼扶疏
指事昭析驅辭古體之流希蹤遠魏焉至于繁音幼眇縟
采配藜雕績溢芬菱莢程豔近體之製方駕齊梁焉信可
以皋牢八極擲綽三雍響絕淫哇聲規正始矣雖復仲偉
在今必且謂幹以風力潤以丹采味之無極聞之動心者
也

朱香初峯山詩序

國初峯山詩五言長律以亭林翁山爲最而顧伯尤峯山

養素堂文集

卷五

九

之性情亾寒色正字挾秋霜時罕儷者憶余于庚申歲憩
玉泉院與友人王茂苑劉俠君曩糧造山椒宿落雁峯偶
于五鼓披衣觀東海出日日如車輪紅作焉支色于波心
軒蹠海水歎涌百寶沖澗恍聞天雞鳴樹偃擬飛身到羲
和邊也思伯觀日篇紀之而意想平庸未能敲玻璃聲而
止今讀香初峯山詩拔奇卉人之外接羅繁富雕鑄盡態
儼是一部圖經未登蓮峯者讀其詩不啻臥游矣

楊慶菴明府古浪峽紀夢詩碑序

粵商攀蹠馬鬣難並川遠玉燕金蠶易霾蔓草故耶與歌
罷莫尋蜀姬之崩威斗掘來誰識甄邯之兆然臨江女子

泉室猶戀臂環沛國婉妹靈魂依乃宰樹雖神女風雨當
避灌壇之威而李娥竈爐久崇宣城之祀此我楊侯紀夢
詩碑之所爲也說者謂登城而呼悉黎丘之幻惑執幡
而立又吳蒙之嚙言不知骨掩甄舒辛冠而謝溷甫裳
泣婦蘆杖以誚士仁蔣領軍之愛男祈孫阿而曹轉錄事
墨公允之季弟感遼令而棺出洪波自昔有簡於今可信
樹有意徵人無能占瘳譯元州群營之梵徒唵趾離考臆
節纒文之匪曾記冥漠裁以短什比於干寶按神傳諸方
來不同曼倩罵鬼云爾

郭千里詩集序

代吉安守
劉梅坪

養素堂文集

卷五

十

夫在心爲志發言爲詩集微揆著連類含章其在茲乎而
或負奇弔詭隱僻艱深隸事在稗官澀音如鷲鳥則其去
風雅也不啻千由旬矣丹徒郟去參先生弱冠負備才飛
聲鬢序漁獵百家而以其餘力爲詩風行水上月印潭中
蓋以清氣爲君者也歸愚沈尙書旣序其詩復爲傳以
著其行誼之敦摯雖健翮未摩雲而黃河遠上之句爭品
題于旗亭先生亦可以無憾泉下矣是集乃其孫小巖廣
文所輯從灰燼之餘得之從此流傳益遠世誦清芬吾尤
以嘉小巖之善述云

郭立參舫樓詩集序

含神霧之言詩也曰持說題辭之言詩也曰志無其志則
溝斲無與于犧尊也無所持則免絲無當于緘繡也然則
操觚者曷可少內心哉丹徒郭立奎先生讀書負氣節酷
嗜吟詠一時鉅公皆引重之萃孚雪贊見推桓允羅隱松
詩被知昭德沒後集遭焚而其孫小巖廣文痛珠光之沈
去冀劍氣之飛來于破篋廢紙中按得手蹟驚喜欲泣墨
尋餘賦字辨殘蟲釐之診之梳之緝之共錄得若干首將
付之梓以永其傳襲美之後不墜松陵閭丘之孫克藏石
屋余乃深躋小巖之能紹衣也方小巖少時毋李氏質釵
購帖督之作楷小巖敬念鑿楹時摩遺研不自啗窳遂工
書畫而其詩復駸駸度驕驪而前屹屹破蟋蟀之聽謂非
階稟于先訓乎吾觀郊寒鳥瘦諷誦于菽林白俗元輕流
傳于奕葉矧立奎詩之自寫胸裏不襲窠臼所謂洗盡鉛
礬不嫌素面斥佗腥膩獨甘清澗非猶夫撫摺者之爲之
也烏得以其少而輕之世有知言或不以余爲妄譏

節孝林母鄧孺人詩序

夫閨閣豈尙奇行哉不過孝尊章敬夫子教兒女睦戚鄰
諸大端能事畢矣或者以其庸行無奇而薄之則惑之甚
余觀中壘所紀蔚宗所書要皆淑脊柔嘉平均聖善貞心
內映素節外章卽足爲女宗固不必截髮斲臂化石積城

始稱賢媛也瀘谿林母鄧孺人者監生用晉之母以節孝例膺

旌表亦足以慰其苦懷而儒人墨客咸重其飾競爲詩詞以襮揚之斯亦善善之意也夫衛風栢舟乃其姜之自誓箏歌陌上又羅敷之自明亦與陶嬰黃鵠同其悽楚韓憑烏雓其乃悲酸耳而士夫之投筆奮藻激揚貞風者何鮮也然湛生龍憐之解張林陳姆之碑未嘗不寫冰雪之心肝著松筠之節操夫亦曰竹雷淚痕燕繫孤縷其感物猶如此而況于人之欽遲自有不約而同者乎用晉以所哀集詩若干首示余余嘉生之念棘心而情惻拊熊丸而志養素堂文集卷五

五

奮也爲序以貽之

陳兆常印謹序

周礼鄭註璽節今之印章也衛宏曰秦以前民皆以金玉爲印龍虎紐惟其所好吾丘衍曰漢有摹印篆其法方正王球嘯堂集古錄所載古印正與相合凡屈曲盤回唐篆始如此余按古無押字以印章爲信漢晉用白文大不過寸許唐用朱文古法漸廢至宋南渡絕無知者故宋後印文咸大謬夫秦有八體書三曰符刻卽古所謂繆篆五曰摹印蕭子良以符刻摹印合爲一誤矣余所見楊充一集古印格王厚之復齋印謹顏時夏古印謹吾丘衍古印文

趙孟頫印史皆載前人之蹟今日去古愈遠而印章必斲方填之法必本秦漢世多以篆入楷吾所不安而刻印倣古則雖奇無碍也陳君訥彞集其所自鑄爲印謹古健樸雅非故佯爛碎湯滅以爲秦漢者李陽水曰摹古之法有四曰神曰奇曰工曰巧於戲若陳君可與論此矣

楊對山廣文印藁序

小學之殺亂也久矣史籀秋胡之人沒爰歷滂喜之篇亾而後儒篆隸輒以意爲增損浸假而失其真則乎爭形混宓慮音同陳陣忽分再再莫別李丞相以束佗采蔡中郎將豐佗豐無怪六歲之禾訓同于導八寸之策執異爲宗

養素堂文集

卷五

三

此所以仲翊斲斲之失元凱定門閭之真也對山學博熟于蒼雅精于雕鐫凡七發之胄毋新書之駟牙元常之芟蕘逸少之郊公皆悉其更變之原遷流之故而復究胤胤乖舌之誤義禰羣雲鉅寇之怪名可謂知本者矣而以餘暇成印藁一書不以斲爛爲秦漢不以纖巧爲唐宋豈與昧篆字而論且明守籀文而惑由櫛者可同日語哉某素嘗蠲肩固知皂牘背公爲私雖屬會意反正爲乏莫喻辯方撫是謹也但覺覲井瓜辰咸有依據嘲潔昭隔不是憑虛彼以筆于爲單于壹美爲壺矢者可以息喙也已

王氏重修宗誼序

代劉葦圃觀察

嘗考世之有繫惟天子諸侯氏族未分工史錄其屬牒以備參稽故嬗代生卒具詳之筭而庶姓庶官則不能有宗祝之記自宋人翔族謹衡門曲竇皆得張其謹於亭雖厥事有越而義則原於先王睦本之遺焉然吾觀蘇氏之謹以一姓爲九宗上自高祖下逮子孫毋論仕隱賢愚不肖而各予以系雖味道之貴不載於謹亦曰親盡則畧爾今之爲謹者不然賢如子騫貴如梁公雖遠而必紀否則曾祖考至邇猶且忍縮不肯著錄以爲此何足爲吾謹光因之冒他族名達自詡茂族而遙遙鬐胃取訥通人斯其庫識何如耶唐時岑文本令狐德棻奉詔輯天下碩族合九

養素堂文集

卷五

西

百二十三姓一千六百五十餘家而分之爲謹一姓之中弟取其賢而顯雋而有才望者箸於篇名曰世族良異於宗謹也而修宗謹者反襲之顧嘗按族服之制四世而總至六世而服絕則親由是盡彼棄德曠宗塞源按本者無論已稍念屬派因其禮降而情亦殺則不勝淪遺之感由是觀之族謹之設烏容已乎邕威王氏世繼青箱蔚爲望族棠蔭先生以禁垣詞臣出牧山左功業文章灼耀商里其子姓皆敦說詩禮克紹箕裘聿溯其始則遷自太原掄書先生念其離渙聯其繻乏謹以系之俾遠有稽而近可述一洗猥俗混冒之習而其七世孫孝廉曰慎懇有闕逸

因昔牒記以補其世數之未具者予分符甘涼久耳孝廉
之文行暇日以謹示而索序諦觀之簡而覈詳而有要使
煩有所總散有所紀信乎有其作之必有述之者與予嘗
嚙似續相承繼志實難往往有先世篤睦敦叙一本而後
嗣不克負荷至不恤其瓜瓞何有於故紙之句繩然則孝
廉之仰緒先志可謂賢矣後之觀是誼者可勿思艱以圖
易哉

王氏重修宗誼序

嘗讀晉風椒聊咏其實載歌周雅瓜瓞紀其繇可知良治
良工裘箕必紹肯堂肯構暨茨是因此三閭大夫所以渾
養素堂文集

卷五

五

苗裔亭耆老所爲誇蟬嫣也然自合族之誼出而通宗
之習開竊史傳爲紀牒之光盜聲譽爲門第之盛崇韜末
族希附代公成紀高門妄緣輔國比之攀蘿附葛旣屬無
因等諸傳老合韓又疑非類雅亮之士每用嗚然今夫百
川雖照衍波各有源也萬木實蕃遠條各有莖也馬頰胡
蘇皆源於星宿琴音草響總出自聲風白馬非蒲類之波
黃蛇豈若雩之葉安可以仲翔戲語定爲芝醴本然哉式
觀古初夏稽周制世繫有工史之記昭穆爲宗祝所書降
自春秋猶重氏族叔譽徵獻於苹舌敬仲協卜於鳳鳴夫
概去邦故姓可考輔果別族舊氏難刪誰則如籍氏之數

典而忘公索之臨祭而忽者自李唐以地望別貴賤夾漈撰姓氏明源流寒族單門遂渺絕已在昔謝眺稱太傅必曰宗袞少陵贈杜位亦號吾宗誠不同巫趙之妄扳混元之假冒也蓋會稽黃渥可宗婺州而樞密狄青難勿梁國此其較然者矣時中先生江左名家琅邪世胄青箱學富黃谿風高室有傳經之堂詩有述德之作雖昧汾隅之鼻祖堪爲塵邈之耳孫乃因掄堂先生之謚續而編之以誦清芬用揚先烈鄙王源之虛託胤胄效蘇洵之修睦族亭可謂不媿繩其有昭貽厥者也嗟夫公侯之後降爲阜隸血屬之親視若路人異世殊恍他鄉而異縣名湮迹陋

養素堂文集

卷五

六

儼異派而別根有同敝簪之遺疇爲本支之篤則覽是謙也死喪孔懷配吳邦之文菴忠厚行輩有叙合梁代之甲乙丙丁豈不盛哉

劉氏家誼序

余聞之稚川曰景無違形之狀名無離實之文故無源之水不能揚長流以東漸非時之藝不能稽糶藻于久霜是以覽閩風之隄峻而謹其基之崇厚也觀建木之竦標而卜其根之遠深也自世尙握齷俗趨薄噉先人之栝捲無望其占護先人之肸鬩無覲其漚鬱矣而欲窆世蟬媯以滋大雲初是猶致遠而乏吉良之棄怒飢而卻祝餘之饋

也雖愚者亦歔歔其不能吾邑劉君士銘博士弟子食餼者也其爲人翔實而竺茂知匪而莊馘不僕邀不謁窳而教子弟也以灋其篋詎者則姍啞之其聊浪者則排塘之其鼓厲而不逋蕩者則孟晉惠悉之又時懋戒以勿近與渫克繩祖丕儻所謂無忘塵邈者與君之先爲晉人其隸涼籍也則自明始崇禮公以安宦指擲縣車後契地于斯聚族于斯生子二長入成均次游鬻序世德清芬塗人爭豔至國朝初岡公登戊午賢書而子孫或試翹關負米之科其字祥麟者乃君之嫡祖也究心五石五芝延先世俞村之傳有子六人咸密遵家則無敢驛突以速鑿于躬者

養素堂文集

卷五

七

長時六爲君之世父次槎仙卽君之父也君昆弟二人後享蕃衍子姪稱姬一洗委巷鬪鱗之習比之赤水三珠瑤林八桂信無慚焉今夫蘊希聲而待物者蚪鐘之湛霜也懷精采以分形者鸞鏡之含日也倘使處庭鬪之內無公紀之丹忱同懷之閒無子威之義讓必不能投杜孝之魚服魏霸之糠進德仁之果共伯淮之被非惟惡歌琴乘行慚康渠亦何以妥先靈而令宗郤使葉萬子孫不騫于義不隣于劫有所循邈乎故曰重本者繇嗣系之嚆矢也輸財者鼓佗人之箒籥也昔元方念祖而刺史繪像子威篤親而奕禩佩符非其表哉者歟

姚伯昂中允桐城支誼序

夫河分九派導星宿以爲源山積千峯祖崑崙以引脈是則空桑伊尹必非無母之兒獵騎沙陀未是諸耶之子故兮亭耆老載詠蟬嫣楚國詞宗興懷苗裔豈非椒聊之實蕃則必疏瓜瓞之繇生亦或繇乎桐城姚氏者邑之望族也穆行願德豔溢閭衡善政雄文芳垂載籍遙遙參濟濟冠裳不同滿奮末孫于何推校亦殊狄青先世無由參稽而其始蓋由浙之餘姚遷焉吳興之水不竭瑤源皖公之山仍抽秀葉源濮陽之鼻祖系衍軒皇問媯墟之耳孫易受京氏蓋于今繩繩緝緝殿殿殷殷矣中允伯昂先生

養素堂文集

卷五

六

學本鴻通官居切近諳摯虞之昭穆襲唐相之清芬啟新阡於北平懷舊兆於南國因有姚氏支誼之作在昔爰劉之世金張曾去其井鄉典午之年陰劉亦違其墳墓非必徇讐言于青鳥棄老屋於白牛也夫玉田誰種采之皆雙圭若木何萼舒之咸四照倘芝醴之不謝自根源之長豐何必樹表郭翻時依宰木厚經周燮永守荒陲先生之志殆如斯耶然或世繫不明派支罔別沈約自序混汝南于平輿魏收成書隔無知者五世猶眯目而道黑白沿譌而呼素青則奇章貽牛馬之嘲德兮招麥豆之笑矣先生是謹因親及疏詳近略遠爾蘇氏塗人之繆語羨吳生累葉

之聯情做坳注于裴松備家乘千庾峻積藏紫研時描畫
于甘蟲書積青箱謹栽培于棗樹龍眠之雲入夢燕市之
馬空羣可謂貽厥孫謀繩其祖者也某以墨守何曉觚
操先生囑序其端有顏乃覲補敦煌之實錄亦溯家風尋
守素之前書竟少舊帙讀是誼也如披應劭之宗圖益光
啟瑞恍閱揚雄之家牒奇字畱香云爾

潘石生考功荏威者舊傳序

夫朝代有遷移而山河不改風雷有喧寂而日月常新豈
非精氣所結融而光暉難翳掩乎若乃砥行礪脩名不出
于閭里宣風布化功或溼于竹汗將使夢中之人披髮而

養素堂文集

卷五

九

叫泉下之鬼獻書以求毋亦學士之深羞後進之大耻與
試觀益部陳壽襄陽鑿齒陳畱蘇林豫章熊默咸有耆舊
之作所以章志貞教爾微顯幽宣暢芳徽昭垂烏奕生白
骨之毛髮慰黃墟之營魂豈徒臺卿錄三輔託之乎明朱
育對濮陽奮彼文藻哉吾涼自瀝沓開郡代多閩人段紀
明之戰功方蹤召虎而其弟煨復效忠于板蕩賈文和之
秘計可亞陳平而其孫疋又著績于邊陲尹鑿尹澹禮賢
愛人興貴修仁尊主伐叛以及陰子堅之詩句匹于何遜
而灑伯瓊林宏伯易義播茂名于陳梁李君虞之樂府被
之弦歌而巨川記室契虛高僧擅英聲于河洛載在往牒

難悉數矣自時厥後音稱寂然豈川嶽之不靈實掌故之多闕樹每廢書而歎擲筆而起輒欲斷古今之案發天地之房勒成一書追昔作者而一行作吏此事遂荒吾友潘石生考功芻包罔謏筆凜陽秋思古發情懷舊摠念爰自國朝精加掌錄凡偉人傑士孝女貞孀罔不甄綜平生綱羅梗概或采故老所說或據志乘所書要皆名成于結髮論定于蓋棺不同汝南之評改移月旦鄭凱之對泛及古初昆貞考獻之鄧林徵文之閩苑也嗟乎珠類玉考物少全美之資獸足禽毛天無兼予之質此之所錄或文無害或老不驕或介而孤或貞而枝雖未儕之中道亦足拔于

養素堂文集

卷五

五

凡庸激薄回濠中流之底柱矯貪厲鈍廢疾之砥鍼考功之著書其此意也夫

重脩興文縣志序

唐杜君卿有云言地理者在辨區域徵因草知要害察風土李宏憲云飾州邦而叙人物因北墓而徵鬼神乃言地理者通弊至於井壤山川攻守利害反畧而不書元和宰相之言施于撰述者如此興文昔爲都蠻地九絲陵霄之故壘思晏柯陰之荒城卜漏哆剛之餘裔省吾草塘之膚功俱堪憑弔以資借鏡敢謂邊隅鄙吝不屑哉守斯土者旣欲柔獷盪獠狂之習莫先扇質樸敲慤之風庶幾鳴臬

草響人文載與余以僕遯攝篆此邑日覩

聖天子景運鴻鑠海寓救寧兆姓阜康俊髦翹秀幸得茹
冰蘖寡僇鄧于讀灋之餘披覽志乘知爲余風樵張楚黃
諸君所新修嘆其條目義例簡而不紊符徃詒紀載之體
適紳士尙序于余輒書此應之以質諸知言者

代文觀濤明府重脩南昌縣志序

夫爲政有脈朮焉其精神貫注乎弼教明刑而外無弛張
變更之跡則志其爲治之魚筮乎然爲政有模範焉其措
施在于摩頑礪鈍而動合阿產卓魯之風則志其爲治之
龜鑑乎唐李吉甫有云今之爲地理書者徃徃說禩祥而
養素堂文集 卷五 三
徵鬼神愛鄉邦而敘人物至于山川險阨攻守要害反略
而不講元和宰相之言其尤切中後世縣志之病也江西
爲東南一大都會列郡十四縣七十有五而南昌爲首邑
與新建分疆而治觀其山川雄秀人士炳章戶口殷阜田
賦浩穰甲卒星羅爾津棊布信赤紫之區也舊有志創于
乾隆辛未脩于甲寅迄今歲月塵邈掌故缺略前令阿君
鏡潭承中丞檄纂脩未蕝事而厭世識者惜之余于甲申
春由龍泉調是邑簿書之暇與邦之碩彥徵文考獻覈實
訂譌越稊而成四十五卷凡所援引悉有依據不濫不遺
大致典確則諸賢匡襄之力爲多余不敏藉以考鏡爲一

方興利除弊上以副

聖天子惠鮮懷保之仁下以酬各大憲勛勉成全之德豈從豫章有書洪州作記與前詰之摘文按藻者爭短長哉

代霍松軒明府鄱陽志序

歲在道光之二年余調繁鄱陽下車後字良芟蝨庶務未遑稍暇閱縣志則自乾隆十四年重脩後至今歷七十餘年深愬文獻堙沈掌故爾畧傳聞失實積久滋疑罔以爲考鏡之資適大府允合省紳耆之請續脩通志余以爲縣志之脩在此時矣旣爲勸捐文以助費又延鴻碩肩總脩分脩之任復選誠肅分城鄉採訪之事旋卸篆邇木北上

養素堂文集

卷五

三

迨差竣還省又調任新建而鄱陽之紳耆以新脩志來且請爲之序夫縣志之最著者蓋莫如吾秦矣韓五泉之朝邑志康對山之荅功志呂溼野之高陵志胡可泉之秦州志趙浚谷之平涼志喬三石之耀州志皆事核文典有三輔黃圖遺意他志不能與之埒者則增飾之病也然則志固貴乎蒐羅而辭尙體要又不專以鋪張爲能矣矧鄱陽山川清奇人文秀茂物產殷阜據實書之固自陵跨上國乎余雖不得與于珥筆之役而覽之終卷鶯然秩然無濫無遺抑亦可以追蹤前詰備職方之采擇也已卽愜予懷遂不辭序之以塞眾請焉

代趙及葦重脩大足縣志序

戊寅夏介侯來署大足相見驩甚余以縣志陋畧託其更脩迨歲莫余回任介侯移署銅梁旋調辦秋闈事竣復委署南谿蓋勿勿無暇晷也頃以書來並寄示志藁其言曰世之爲志者率詳今而畧古廣分門類矣摭雜事於本邑掌故反多遺漏如天文分野本主省郡乃至小邑指一星爲屬此陳卓張璣未有之說也且地理不紀四至八到山川不言險要攻守之畧紀人物不詳行誼專取他邑尊顯者入之以爲榮濫收風雲月露之詩文以侈卷帙此通弊也味其言可知其書之得體要矣夫金石之文往往與史

養素堂文集

卷五

三

傳相證據且足以補史傳之缺如昌州刺史韋君靖宋王象之輿地碑目考以爲韋靖本朝乾康熙四川通志乾隆時洪編脩亮吉府廳州縣志均沿其誤蓋君靖其名非以君爲稱猶唐王君龜李君羨之取名耳然新舊唐書皆無君靖名今介侯按得其碑乃知平黃巢韓秀升高仁厚之亂勲伐卓爍不獨築永昌寨爲功于昌州也而范淳夫先生古文孝經刻亦出於人簡筆蹤雄偉勝于黃山谷殊可寶貴其他多有關志乘擇尤雅者箸錄于篇至其分類簡該文詞質古覽者當自得之介侯乃諄諄囑余點定嗚呼余何以益之哉

重脩大邑縣志序

嘉慶二十三年六月趙君及葑奉調簾差委余署其篆相見謂曰縣志前此奉檄修顧余心弗慊未付葉子盍爲之更纂余諾之旣而取眎其藁則缺漏冗俗如其所言案牘之暇輒作數紙旋移署銅梁公餘亦載筆數月復調辦秋蘭未竟也揭曉後棲遲廨邸人事粵峯夜雨挑鐙乃得成藁按大邑置自唐乾元元年屬昌州光啟元年徙州治大邑宋曰昌州昌元郡治元州縣俱廢入合州明洪荅四年復置屬重慶府今見其山川雄厚土地沃衍古刹廢寺碑碣宏多當日一浩穰區也第宋時黎伯巽之靜南古志弗養素堂文集

卷五

五

存徵文考獻率從闕如洎本朝康熙二十五年榮昌令兼攝大邑縣事史君彰稍次舊簡藁爲一帙乾隆十五年邑令李君德續脩之曾見史藁所謂存什一於千百也而李志亦復簡畧無體余之所纂不知於黎氏何如以眎史李二家或有逕庭乎書此以復及葑尙其糾余謬焉

重脩瀘谿縣志序

往者丙寅歲予游江右喜其山水刻露人物清粲襄萃者久之乙酉五月選授吉安府之永新將一載以前任欠隨漕款被議旋開復于丁亥冬題補是邑戊子四月履任入其境山則犖崩水則瀨潭田不沃饒產不阜頽而士習民

風頗爲淳樸色爲之憚眎事後取縣三志閱之支蔓叢芳
漫無體製深病之急欲改脩而原任蒼梧大令董帷林君
以其藁來大都沿襲舊編祇增益人物百十耳唐杜佑有
云言地理者在辨區域徵因草知要害察風土李吉甫云
飾州邦而叙人物因丘墓而徵鬼神乃言地理者通弊至
于丘壤山川攻守利害反畧而不書本朝萬季野斯同云
著地書自有體要或其人其事無關地理不容闖入而張
南軒謂脩志不可不載人物典型繫焉世教補焉此則儒
生之見以此點綴郡邑志則可伊昔通人之論如此今予
之脩此志也亦不能不叙人物而芟其贅疣並刪其羸冒
養素堂文集

卷五

五

尙覺太溢嫌于仍貫蓋猶有人之見者存也然體例分明
事跡該括不取燕說郢書不爲鉤章棘句庶幾有裁制矣
邑人士之知言者或不以爲河漢乎時太歲在屠維赤奮
若皋月星翼曰

福禹門均藻述序

昔升菴楊氏以鴻鑠之才投爰荒之徵藉管城之喙寄宛
積之情駒景旣消暑錄遂富其均藻一編亦爾時所纂也
顧眊篋無儲搖橐卽寫雖有行秘書之識記亾篋之聰而
意緒蒼涼頗多僻錯然其按奇索奧領異標新亦足供詞
林之漁獵矣學使禹門先生殉愛其書爲之釐參差補脫

扁正馳謬竝注其出處之原委而乘以行世某嘗嘗明人之學半係耳食未嘗焯掌羹心染丹炳燭沿襲陳言靡所決擇故所作皆條流粉糝事跡垂午升葦于時最爲雄伯其所纂輯有食蹠集腋之能無鏡日卮蓋之譌非以學有根柢故耶今先生囑序其端輒據私臆發此慨慷知必不以此言爲讐

射藝全策序

宋陳康肅公善射當世無雙每以自矜常射于家圃有賣油翁釋擔而立久睨不去見其發矢十中八九但微鎮之康肅問曰汝亦知射乎吾射不亦精乎對曰無他但手熟

養素堂文集

卷五

美

耳康肅怒翁乃取一葫蘆置於地以錢覆其口徐以杓酌油瀝之自錢孔入而錢不溼陳乃笑而遣之旨哉翁之言熟也與莊生之所謂解牛斲輪無异也通斯意者可與言射矣余于庚申秋假滿將還朝道出崦陰而厚菴以所著射菴全策問序細閱之嘆其良工用心獨苦學者能卽其成法而操之以幾于熟必有先中中者矣不然自多其技謂可以貫兕甲徑草盾也是但知射之射而不知不射之射也則殊失厚菴著書之意也

養素堂文集卷六

韋威張平澍介侯

序四

送顧鹿畦之浮梁任序

爲商今之民俗有不譎觚乎試觀今之吏治亦爲敝筭矣
毀譽泯三代之直操履遜四知之嚴歧路染絲高梁濡翼
將玉汝而歌頌鼠不矜人而集哀鴻秦越何心郝爾肥腓
道路以目有慘戈矛方且騁秋駕之沛艾尋徑南山聳夏
畦之脅肩失交北鄙然漁蕭蠶績聖門多政事之材冬日
春風剡邦重循良之選顏子與禹稷同道原以飢溺爲懷

養素堂文集

卷六

一

伊尹欲堯舜其民時厖溝壑之納有商自古豈異於今鹿
畦仁兄浙之魁士也讀崔陵萬卷之書養沈攸十年之氣
髮將垂蒜心乃咎虛面似削瓜性不谿刻文而無害茲不
以吏爲師仕而能優馭敢以儒爲戲吾知其豕斫贈刀以
待士播琴磨蜃以劭農凍絲染羽以惠工帆粟車鹽以通
賈可以惣攝五縣可以臬牢九能斲斲然矣今夫有德而
無才暖昧者所以退舍於盤根錯節也遇時而寡學蔽燼
者所以招譏於俗狀塵容也其何能堂鳴子賤之琴街息
董宣之鼓樂奏王阜之磬集成姚合之詩乎吾觀抱兒當
門任棠恤孤之教買菜出境庫狄厲已之風然或假僭矚

宗手非霹靂絮掾且起而獻厥矣矯飾脫粟控無銜轡厄
漏又難以補塞矣夫魏戊彊項獄莫蔽於櫻陽戴聖傳經
名乃汙於黷貨或且暗求婚竈餽餉梁冀之蛇罔恤名宗
蹀躞蕭傳之馬遂乃驕人白日首足顛倒於神噓附驥青
雲賤賤惟恃於趙孟此固觚生所目笑諒亦鉅子所腹非
也君與余落岑氣合金石情堅賞奇則文章有神嗜味在
酸醎以外班尹陶陶於永夜袁謝款款於當時許偕異書
一癡無礙回翔仕路三化何曾豈不欲歸虛誦平子之賤
早知學道爭聽蓬城之絃任延善事上官非其願也卓茂
洵升太傅又何難乎當此歌驪之候聊脩舉燭之箋君或
養素堂文集卷六

二

不以爲莠言而以爲韋佩耶

早賦鶴城送別詩序

道光八年春余爾復補授建昌屬之瀘谿於四月履任越
次年六月移疾告歸士民安余之拙而惜其去也各爲詩
歌以送別大抵情深而文明志和而音雅第贊詞過實美
言爲琴愧余無以厭之也迨赴省大府不准引退仍於十
年四月回任自念五十之年尙羈塵鞅內負夙心外慚良
友地若可入吾忍見宓子哉暇日檢篋申詩錄而存之付
諸剞劂聊以爲他日雪泥鴻爪云時六月之二十日
示平送洪芟唐管裏塘糧務序

管人有經無不論之國者入其境山剗削而芳穢水滂盪而毒淫其人則濼薄無心其物則髣髴無幹又有腥臊膻鬱之氣充衍於四時旣而悔曰吾何爲涉此地而見崑山崑水崑人崑物崑氣也旣而寤曰吾不涉於此地則何以知世之有崑山崑水崑人崑物崑氣也急剗驚颿歸而循途求仁壽之巖處之掘功德之泉飲之擇空桐之人爰之佗陶丘之噐庸之又時吐納沈澆清淳之氣以滌盪腸胃若不知曩之曾涉無不論國也者裏塘爲蜀之西僻疆則戎索而界連魚通尙未遠內地其山水人物與夫氣候未必如無不論之陋劣也芟唐得斯役若有不豫者余以爲

養素堂文集

卷六

三

即使其山水人物氣候如無不論之陋劣異日返駕則所歷之境又豈無不論之山水人物氣候所能彷彿萬一耶芟唐其毋庸不豫也夏雪可以沁肺石井可以清心人皮之鼓可擊以娛耳天星之葉可翫以養目竹筵之字爾吉之畫可習以頤神羌活之魚可治痛星宿之雞可延年雖三十六之天七十二之地或未之有而顧頊頊爲其母乃思控卡之海危索篋之橋乎吾知其必不然矣

送歐陽瑞哉歸邵陽序

粵蘭蘭澤浩峯通於臭味翁博婦好感以聲音蓋集焉崑鳥見唾墨翟媒乃爲鳩遺恨靈均若乃作客他鄉相逢白

首論交永夜快覩黃眉鷓約方深驪歌忽起有心縣明
月執手衷衷思逐浮雲牽裾眷戀者乎歐陽瑞哉茂才邵
陽魁士也妣氏瑤源餘亭秀葉家風篤穆世德清芬旌節
栽花林盈象笏科名植草桁滿猩袍橋茂於山父兄彪怒
玉折爲水子弟龍超庭誥顏君規趨矩步門律張氏坊行
壇言是眞和伯札宗頌儀不忒永叔文範寫奕能遵者矣
夫其躬施不恡殿貸無私計晦贍貧指困拊匱鮒也涸轍
救以尺波涉不褻裳履焉咫道暖回左伯悅遇陽春病起
爰精如逢斗極券投於火戶免追呼劍守於塗鄰多遜讓
可以卜餽花之雀銜環報恩去鉤之蛇送珠謝惠也君則

養素堂文集

卷六

四

折枝侍膝執簡訓徒葵遺考叔米負仲由雲裏雁鳴早傷
墮翼堂前萱茂又抱采薪自洗看臉不假童僕親嘗藥味
潛祝神農蓬首何辭棘心以慰無何寒泉寂響慈竹摧筠
痛賣臯魚悲來泣鶴七日不食瘦如束柴三年獨眠笑不
至矧可與殷陶接踵符表齊肩矣遂乃志在四方游經萬
里葉榆浪黑鹿芟峯青金馬碧雞時窺神景沙壺柳貌遠
訪遺蹤麪飽桃榔鮮烹鐵釜詩題弔烏酒泛邪龍激越豪
情良亦稱快則有公冶縲綆甯越鞭笞憤其覆盆達之嘉
石遂使挾馭戴就不罹歐刀被械何蕃仍歸鬻舍義聲仁
質亦又昆多厥後扁舟入贛橐筆來豐逆旅掬琴參匍倒

屐莘莘子姪服事先生氄氄臯比導揚學術佩之迷穀茅
塞頓爾示以智珠漆室有耀宜其鳳毛浴日鳴上梧岡駿
臣籥雲騰來注渥維時到處逢迎相知疊密諸侯坐上大
府幕中李法相商羣欽石畫米帖不乞仍摸韭花而以文
詞豔麗肝膈光明穆之百函兼了餘事柳公雙鑱復勝他
人宛宛鷺洲修修螺渚軒開見月臺迴披風未嘗不當食
而歎魚思資水廢書而寢夢繞衡雲也茲者俶裝揆日祭
輶戒期敬謝故人言旋舊里大江東去能不愴容越鳥南
飛自成別曲蕭騷白髮寂寞青瑣回思隙駒流光如逝偶
尋墜鹿幻夢都非此所以拔劍高歌壯衰鬱律擲杯長嘯

養素堂文集

卷六

五

老淚芄蘭與子與君星野秦楚雷陳漆膠淪茗泉邊翠濤
沁脾芾棊松下玉屑盈衿酷嗜顛書塗鴉聊爾枉臨治縣
馴雉無能悔落紅塵玉堂天上擬從赤腳木石山中未能
忘情居然異地池草生綠謝句重吟圍橘垂黃賈林尚在
萊妻扶耒共飯胡麻驥子攤書宦傳世籍弁髦人事敵濟
道真詎不旗翼延年星飛亢角鮐梨享筭仙侶喬松哉

贈萬別駕序

磁州別駕實夫萬君有理諳字良剔蠡民咸鳧藻不梗于
恣信今之幹翮也而兪村之術尤精鍼經脈瀆六微三品
皆析入豪芒故能變六一於金液改三七於銀九與北斗

爭齡俾南人卷舌詎止三折肱九折臂而已余與之交最
久見其砥信而不矜仁麻情兼以律性豈世之矣詡徙柳
癰救茅鬼者所可同日語哉余嬰沈疴實夫爲錄肘後方
服之良驗何必安期神僕之散淳于解顛之刀始足除膏
肱乎於其別也謹書此以爲贈

送蔣礪堂制軍師入都序

歲在庚辰之七月

仁宗睿皇帝升遐四海遏密我夫子以梁益總制馳

奏哭臨

梓宮得

養素堂文集

卷六

旨允請蓋夫子受

先皇帝之殊遇欲扶服以申哀而

新天子則倚頤德元老欲藉入覲晝接咨詢以天下大計
也惟時澍宅憂在陝旌節戾止隨眾掘謁起居畢佗而曰
夫子負天下重望且夕入綸扉蒼生之幸若

聖上以坤維爲念俾仍制蜀者則民生利病不可不盡言

也夫子則曰今握枋持衡者紙上空談誠不足與謀國家

事余以外臺未總朝綱抑惟言其大者耳且亦必俟

聖上之有所顧商商及之則言所未及商者亦不能瀆陳
也澍始聞之而疑退而思之則疑甚念我夫子負天下重

望者也而顧乃云云澍嘗讀孟子矣曰不以舜之所以事堯事君不敬其君者也又曰謂其君不能者賊其君者也使孟子而愚人也則言讐孟子而少知治體則夫子之言違子輿氏之旨矣今夫頰首風簷磨墨吮毫目凝簡策逐款條對不敢佗及者博士尅貢之爲也若

天子大臣以天下爲心卽以天下爲任而曰必商及之而後言則其商及之而亦不肯盡言也明矣且商及之而言者猶是意慮之所及他人亦習言之未爲國計之痛鍼商所不及而能暢言之以啓發

聖意乃爲民生之良藥也澍罕漫讀書未聞大道然忠義之心生而自許伯吏數年不厭民風之濼深恨吏治之駸不勝悵悵希夫子無患得失必盡言以抒忠款乃無負

皇上之咨謀也若入告我

后言無可采則又曰嘉謨嘉猷非外人之所知又且曰聖朝無爾事奚用補袞澍恐天下之笑樊季齊也

巳太翁懿德序

代鄂敬亭大令

空桐之陽水源縈互土脈崇深徃徃有隱君子生其間東溼王節信焔光匿曜不求聞達著潛夫論以見志其時皇甫威明甚重之歷千餘載流風未沫又幸選我和宇太翁當其幼失恃怙煢煢孤露蓋一鮮民也矢志讀書深恥集

詬雪案螢牖靡間寒暑鄉長者咸稱其有頭角卒以貧不
終業猶之韓康賣藥趙岐販餅生計是籌雅操無傷也夫
人遭際艱辛茹粗糲而衣須捷欣羨膠懷頓喪所守者比
比然也而太翁宅心太素介特無渝雖機杼之細杯水之
微不以需人管項仲山涓濱投錢丁靖公菜果不食彼皆
苦節能貞儉德以永翁之所爲殆其似之方余奉檄來西
也與季子孝廉中漣交見其處已以繩接人以柑循循然
不敢循規改錯嘆其有所階稟旣而深悉其稷粳則益爲
之欽遲道上計 京師道經朝那親挹光霽則神明曠哉
飄飄然有世外之意蓋太翁自四十後壤子繞膝蘭孫盈

養素堂文集

卷六

八

階遂以家事付諸長君襄辛隴畝與二三親戚情話終朝
又或蠟屐尋山抱琴聽泉心與境清斯骨與神健所以壽
享大耄鶴姿瀟灑無復塵蹠之態也而德配某太君亮志
相符靜好韻叶譬諸馬徽之潛鹿西輓車有賢婦運期之
道吳國舉案有齊眉豈非舍和隱璞秉道全眞者哉今者
神返遮須懿範斯在余辱良誼爰臚述其大凡以志景仰
愧無能爾揚萬一爾

送王鶴汀給諫歸里序

歲在道光之四年三月鶴汀給諫患目眚請假還籍養疴
得

旨聽許將以秋涼戒塗京師士大夫莫不喟息以君善於其職在工部鈎稽程髮吏莫敢侵牟入諫垣封事數上動關國家大計生民利害不以毛舉細故爲能所彈劾者必當鄣不以掉磬沽直咸蒙

聖旨俞行其言可謂不負所學也而忽以疾歸母乃用未盡其才才未充其用乎余觀士人束脩受書莫不欲異日有所樹立及至肩任則又首鼠陝榆罔能幹翮徃徃爲通亮之所姗笑卽或膺言責寒蟬自異而有曾無心不過攜拾枝言臚陳瞽說以塞觀聽有所糾繩亦惟箇里小夫醬酒博苻之事而巨猾大慙不敢以惠文相向其於民莫國

養素堂文集

卷六

九

是相去不翅幾由旬也至使人以儒爲戲羣相詬病良可吁已今給諫行矣曳杖柴門澹桓消搖看嶽山之雲則其視富貴也有然翫渭川之竹則其厲節操也有然念我諸故人日踏輦紅塵得毋向長安而笑乎聞尊甫琴齋先生令光澤六年字良芟歲遺愛謳歌返里後周卹貧鰥排解紛難激發濠薄敦崇風俗鄉鄙化之天下號曰循吏今給諫以直臣釋紱投榮絡乃風規吾知二三父老必偃僂而攀履跡衣香也

潘曉山太翁八十壽序

粵閩扁善鼓仁亥滋絳縣含飶舂信丁復黃庭蓋道族成

鳩祺盈鶴算温恭集木顏晚松喬况佩服聖涯禾意繭性
屑輕榮祿銀手金心有不羸埤握精師親祥集矩州蓴采
颺所福來者乎懿惟曉山太翁吾涼之魁儒也鬪駟經術
劉昞史裁陰鏗詩篇張昶節槩兼以珪儀筠質矩步繩趨
蘭石自然蒲梢鮮偶兼資文莖上媿然明博綜詩書直陵
長祚龍城大臬鹿塞先程甌生之熱服也久矣方其髫年
超靄鱗歲騰芳怙失嚴君煢依叔祖相憐雁羽有似罍甃
畝少雙弓家從四壁烹蠅頰釜縣鶉掩肝而乃擘精焯掌
厲志題肩映雪閉帷聚螢握槩蓂紅生夢鳳白吐賀薄采
其芹旋拔其萃聲飛鬢序譽溢儒林鬪憤設經皋比授字
養素堂文集 卷六

十

牟恭逢盛信無忝焉遂乃應

詔禮官充名書館披窺異籍校理秘文黃香入京無雙日
下半陟爲友常詣車中爰以傭功遂膺議叙說者謂兒寬
卒史竟躋台鉉朱邑嗇夫得紆組綬先生將因此翔仕路
步亨衢展大才舒素學乎時則炳如太翁方宰卽墨深知
將明招之匡襄代其勞勩凡絲鐵之訟雞粟之爭皆爲參
議及鹽米之估胥役之廩咸給如期恢恢如也然先生高
情邈亮雅性清貞土苴功名浮雲富貴每以賓王急流柱
史知臣微言相勸守意彌殷是其所見冀乎超哉於昆汗
漫爲游絆羈無事蘇臺響屨檣里語兒秦岱秦碑焦山蘧

鼎固不瀏覽以豁襟期乃復膏車入晉予季載尋處父磨
銘管涔覓劍狐譚評石狼孟品茶其興可不謂豪與夫林
邑之烏終戀故山海芴之蠟不舍舊岸載返靈淵爰爾蕪
徑歲絀萼柳翁濫醕膠檢點蝨魚整齊表虎方謂橐駝種
樹郭翻置標虞卿著書伯倫埋照矣無何諸侯擁篲長吏
奉琴謂夫罽裏之駒相須伐褐盤郢之劍鑄俟風胡先生
則鵠乎應聘鵬爾就徵梁丘生從咸知礼法檀敷箸錄胥
守規條一片婆心三寸敝舌腐遷盲左蝶魏米陳奮衷高
說把杯雄辯聽者忘倦聞之祛疑化如雨沙教似風草故
其攀桂枝游杏苑者比比也適以選授廣文優游濠縣鄭

養素堂文集

卷六

七

虔騎馬孝孺泛舟拜將壇高封王石古興來獨徃景從又
殷鱣舍仍爾龍門在望瞻彼旱麓濯以濂江多士心傾孰
敢藎大旣而歸與興動故里言旋舊友泮桓至親情話然
潛夫在巷屐倒將軍雲卿種園金來使者至講天梯流聞
地籟而猶勤追伯業專嗜叔文鑑影幢幢墨波沸沸先生
之年方八十矣長君石生考功心殷顧悌拜讀來書性慕
元方時恨違膝陳章膏棧歸省循咳將與哲弟茂才以揆
覽辰爲高堂壽在管寶公黃髮濼帝問音眾敬皓年魏皇
賜饌書之冊籍見芙來茲先生潛曜韜光葆真養素雖未
得納衣表襮幹翮飛揚而冲量淵深曠懷月朗雌黃不設

別白斯存玉汝銜恩鱸吾泯怨握中智燭皮裏陽秋蓋以
鎮厭浮瀛轉移糝繆則子將月旦終涉闕貶劉廣風裁徒
歸訾署矣茲者榆星散杳梓里奉觴弟子莘莘兒孫緝緝
共祝句芒錫算雲襲兮裳黃銅築唐藥儲赤石而樹也豫
章佗吏質蠶無文欲頌穆行恐遺蠲德未能北面遙仰南
山苟况旗幢姜鼓縮綽彭鏗斟雉呂望釣魚聊藉吉辭以
介筮壽所恨小人有母未返板輿平子無田何由扇枕先
生其矜憐烏鳥滿酌蒲桃矣乎

姚伯昂中允五十壽序

代潘石生考功

端蒙佗鄂之余月伯昂先生五十有慶凡在著籍願祝梨

養素堂文集

卷六

三

麋而屬言於某伏念先生學染羣儒文掬五典校書

粹殿白虎能通授簡

珠庭青鸞善對中州典學杞梓成林三輔掄才瓊瑤受瓌

侏紳仰其鼯采

楓陞重乃賢聲無假鯢生詡揚也夫莞枯之歎升沈之感
管賢不免難語高懷我先生冰情在抱斲節不磷洞觀險
夸渾忘得失游心霄霓濡迹塵埃是眞皎皎練絲不受涅
緇者矣爾乃瑟居一室瀏覽千秋易闢荜滋書徵胄懋汎

邠正雅醴醴稽詩旨左朧崢周官鬻燧靡不眎螺于仇照
燭於胥時復拈橐佗画造意融稔骨健驕騶樂生魚鳥山

水蘊藉樓閣駢駢獨笑欣然古人何讓亦或縣扼爲書仰
星效象釵頭屈玉鼎足垂金百歲枯藤三霄舞鶴雖秋胡
隸聖曹喜筆精無以尚之而且嗜愛羣芳按述照豔階翻
紅藥池泛碧藻玉蘂招仙金盤宴客春風滿座香氣入鄰
於是賸詩得句皓月當天字織龍梭珠掇驪頰自然沖妙
無事推敲豈非人境結廬致外飛穎者乎若其惠心拊物
調德成人羈客金分貧宗困指伯桃骨暝旌目心蘇仁理
義風自性始也加以提攜後進獎飾英奇款款之誠溢於
顏色陶陶之愛醇於酒醪久而益散親乃不渫尤爲負膺
之所備者已蓋先生律性秣情柅人繩已用能庭爾肅睦
養素堂文集卷六

三

厚績脩和姜被聯林陸魚共膳鳳毛浴日驥足籥雲而况
嘉藻雕龍雄文繡虎荷

先皇之特達被今

上之殊榮方將綱紀彝倫甄甸品類敷文章爲經濟化溥
溥於太和則此日之中盾趨公乃鼎鉉之嚆矢樂天玩易
又旗翼之權輿也是爲序

劉幹亭太翁壽序

聞之繩已柅人德惟壇宇土仁疇信年必旗幢蓋巖坪握
精是植皓本集木爲慄乃臻凍梨是以前山之翁定飛崑
宿淮湯之老應笑商顏也繫我幹亭太翁者閩海之振奇

人也當其下帷縹緗映雪鉛槧菹醢六經笙簧百氏披異
謨觴采遺衍濟便便之腹不愧孝先嶷嶷之頭咸指公彥
矣抑且青鏤持管白鳳吐胸不效子雲雕蟲詞賤弗學散
札画虎文章宜其爨下雅琴中郎改聽柯亭長篴子野能
知而乃勇賈石投弦控鵠失製作淹雅士衡不慚科名聯
翩方千竟阨鴻亮之士每用憮然於崑榮名屐脫餘事籌
持算法四維數精六空懋乃遷化操斯奇贏衛賜億中卜
式心計所以篋溢麟趾積積蠹禹也在管韓康明易藥肆
韜真薛公習詩漿家隱曜翁之舍士而商庶幾似之然使
財如猗頓行遜墨恭雖享旄期何異嬰折翁則不慕時榮

養素堂文集

卷六

西

蹤希臺尚克散行誼跡抗顏曾折枝承歡洗臉侍疾園生
孝荀庭集慈烏人無閒言世有至性友于兄弟殆比君陳
宜爾子孫堪誦風什已今夫眠姪之人競貪羽毛墨屎之
子亦愛錙銖防瓜布荆買李鑽核何能恩周蒙袂惠逮翳
桑此窮烏無依元叔作賤飢麇不噬孝標傷懷與翁則慨
慷指困纏緜解衣爰旌心蘇伯桃骨煥瞻言鄙陋恃爲輒
至彼傾身障簾祖約何愚斃燭箴籌王戎太陋烏能方斯
古誼炆乃高情乎茲者節踰亞歲律轉初陽牽牛紀星駿
狼駐日適逢覽揆敢祝禔釐式觀枕藉長生杯稱延壽砂
萑葛井菊采酈泉思遠服勞頭生肉角庭式絕粒眼有紫

光從涉形容羌無故實卽爭年黃帝尚欲爲兄比智彭鏤
不肯作弟莫算甲子張果能仙不知春秋寧封難老未爲
實錄從恣誕言曷若萬石門風琴爲庭誥太丘家法肅似
朝儀有子絲牽不忘鯉對循良孔奮界是姑臧惠愛王尊
地名安定縮銅之客影纓之倫縮綽虔榭臺萊致頌哉遙
憶雲璈隊裏晝錦堂前露浥三危萼開四照太翁神明奕
奕矍鑠欣欣氣海常溫壯容不變弗須鳩杖敲逗鳳綸諸
子眷鞬羣孫脆鞠詩成可樂曲倡無愁籌添海屋福媵師
親願進僕文以當瓔祝

蘇州范金泉刺史六十壽序

養素堂文集

卷六

五

粵聞扁善葆眞精神自玉含蘇養素歲月能絲蓋世際昇
平定產粵首道脩五內必享期頤况熙亮

帝圖聲名如日彌諧邦教萌庶歌風有不羸埤握精迓師
親之舅福矩州專采邀角亢之光暉者乎懿惟金泉先生
吾秦之鉅人也嶸岳三峯河流九曲厯情律性準行繩言
天球自然地寶鮮偶秉星衡之偉狀標日角之奇儀汾水
翁歸兼資文芒平原曼倩博綜詩書與士季譚熱服公卿
之量爲林宗識甄許王佐之才在笱士燮英聰能喻大夫
所對仲淹翔實早以天下爲任先生蓋異世而同揆矣方
其奉檄蓉城牽絲筍里貪泉卻歛幹翮能飛竊慕何祗張

鑿決臯思匹吳隱絮被畱賓無脂膏自潤之懷久清玉潔
有陶冶人物之志箠牖鐸巡旣而大府廉其藻厲同寮備
乃衡平遂典專城頻司劇縣彌宗哉化絮掾畏威履田雉
馴感露蛇劇判衫則娶婦大節商髻則臧獲輸詞罽笏引
舟期紆照力削木成牘克察神奸是誠蜀國之文翁無愧
聖朝之循吏也時則盤瓠吹雪蚩尤吹沙烽迷莢井妖阻
黷谿伏波樓船掩江蔽漢度遼甲卒充野彌籙羽書靡滯
於星郵糗糧常峙於月峽分其才菽足了千人時甚倥傯
有如一曰夸吾之目隰朋代明丞相之肩耿豪是仗所以
奏雷益部節相屢上剡章茂晉雄階

養素堂文集

卷六

六

楓宸遞沛恩旨與夫康虛之士智不範身幟編者流才難
周世僑營狹窟靡益愚眈照警陝榆功渺橫草何能手鶉
以輓斷竟至肺石之塵封先生條貫治謨邳張大矩叱御
邛坂澄革榻藁縮綬綬梁山蔭成棠芾而且圯橋進履預見
陰符竹林逢蟻深通劍術仲季文學躍馬執戈葛洪儒生
投書破賊草檄喻蜀仍嚴佩犢以帶牛聽訟蒞巴軫念除
莠而拔薤楚獄無濫卜袁氏之祚延長社不驚信文遠之
才大說者謂魯恭度識應入司空卓茂賢良宜登太傅固
可燠荆以卜刻漏爲期今茲龍集游兆鳳報壽祺酒香郭
筒萼開旌節鹿軒沛雨性禾長春熊軾宣風智珠遠照鱗

吾恨怨於寮家玉汝銜恩於茅檐斗桃獻綬山葛由探筍
吉良來老澤君平布錢凡夫白鳳才人碧雞圭簿莫不以
算添東父銘著千年雉樹彭鏗齡延八百矧某等誼深梓
里心仰芳規蠶績作歌麀髓侑爵葦姜鼓之綰綽效苟况
之旗幢微巴渝之洞絃薦笞暈之文錦共祝句芒錫鬲予
裳乘三素之雲無須黃銅築膺赤石儲八齋之藥

勅封和太安人六十有五壽序

龍集昭陽協洽之歲月有巴且恭逢

勅封和太安人設悅良辰梓里戚友咸裁禽暈以祝眉梨
而乞言於余竊念經籍所載如画戟之家金釭之族纔能

養素堂文集

卷六

七

識字卽譽銘椒偶爾操刀僂號割玉蹤齊鍾郝德邁班梁
咸屬卮言無當彤管卽使年臻大耋算到期頤不過螭帖
春秋猶是泥塗甲子若我和太安人者乃晉贈承德郎磐
石翁之令妻而翰林編脩鏡唐君之賢母也毀齒柔嘉勝
衣淑脊組紉時勤脯粢善議織盤中素采陌上桑腹義嬰
仁啟詩說禮足以儀型箇爾無慚女宗矣迨至于歸磐石
翁也不厭荆釵不嫌蓼藿瑟居瓊牖魚見塵甑終日辟纒
影隨田仲長年井臼案舉梁鴻黃蘗林高卷菴葉萎豈非
安于義命孱守倬然者乎時則祖姑張太孺人七十之年
久卧林蔭室如磬縣使乏僮約俞柎寡術巫咸罔功太安

人昕夕抱持不生泄渫温被扇枕奉盥調羹鼎鑪之藥汰
而跪煎衷禪之衣滌而薰進每當嚴冬廩烈朔風割面十
指如錐久紋偕裂蓋數十年如一日也而姑尤太安人性
既嚴毅曲體得歡兼以沈絃彌勤奉侍時而折枝時而奉
菑伺其寒暑以吉衣裳察其渴饑以馨羞膳咎諸葛貞潔
記乃勤渠古朴孝慈臚其恭順以今揆古庶其似之是時
磐石翁戍守西域歷有年所沙驚榆磧月苦輪臺秋雁不
來魚書莫寄空圍岑寂悽感良多繼又牧馬鄯善荒草粘
天青海駒嘶黃河楂斲蘘山疊夢想爲勞嗣以石峯之
役磐石翁又從征焉檜飛似雨箭叫如鷗骷髏唬月燐火

養素堂文集

卷六

六

吹風鎗瘢滿身聾聲沸耳艱難百戰無尺寸功李廣數奇
豈非命耶太安人乃指帶佐淪鳴機課子熊丸咽苦荻字
生寒雞窻無言魚鐙少燄悲涼身世策厲功名天如可梯
不以蹇委編修君俛從慈訓奮發勃焉未夜囊螢將鼯緝
柳凡星桃月帛山志瀆經靡不熟爛於芻指陳於掌由昆
發爲文詞驚其廣座試輒冠軍選乃拔萃秋霄鶚厲春宴

鶯鳴

帝曰俞哉宜列侍從校書

粹殿衷帶爐煙修史蘭臺杖吹藜火便蕃

召見家世巫詢

天顏甚霽臣夢難逢

簡昇掄才東魯曳旆海無遺珠林無剩幹可以知天相劬
錄神佑艱辛用能耳目聰明精力堅固

褒封渥受弗祿綏康歎今也令到恢台呼茶育物編修君
以寸草之心春暉莫報尺波之滯焦沃難添欲臚蠲德以
介霞觴余則以爲伊古良媛總嬾內則事姑而孝相夫而
順勤以嚮子克成其名斯爲貴矣他又何云回憶蓬首無
膏棘心莫慰霜侵馬磨雪灑牛衣慘澹炊煙潭沲瓢水然
後信擲火萬里流鈴八衝福之所歸人所共羨也某也不
文屬在葭葦敢撫浮辭以湮苦節謹述穆行以當稱觥庶
養素堂文集

卷六

九

使勤績敬羨名巫釜石截髮謔母德被管絃云爾

官保中堂制府蔣礪堂先生六十壽序

代鮑覺生官詹

國家當重熙累洽民物殷殷之時必有生崧之彥挺爲楨
幹植緒之佐和作鹽梅爲之燮元氣導

皇風簡孚

帝心渥受

寵錫蔚成上下之一德蒸爲朝野之太平用能弗祿純嘏
壽考洪延有難老之令妻共魯侯而燕喜今乃於相國礪
堂先生見之先生弱冠負奇質掇巍科翔步木天讀書中
秘名章副於鳳閣鉅製播乎雞林洎登諫垣多所陳列金

法媿於風后玉律準之鄼侯屢司文衡載詠雩隰女嬭之英嬴秦之駿中州之杞梓古粵之棧桂罔不按攬時稱無遺良焉

仁宗睿皇帝灼知其可大用也畀任江西贛南道尋升按察遷雲南布政旋撫二浙總督兩廣四川

今天子契知最深毗倚尤重移節畿輔晉階綸扉命協辦大學士仍視直隸總制事沙隄日麗露冕風清於時爲道光五載先生之年方六十矣凡邊隅甌生寰海宿望莫不懃服先生之文章震悚先生之勲業無異忝卒之知司馬遐域之仰富公而某等或同歌鹿鳴或偕詠霓唱則先生

養素堂文集

卷六

三

所以升大猷享遐福者其操之有本而致之有繇也夫姬周樊吏以廉爲先典午察官惟清是尚先生之蒞治也嚴絕筐篋斥遠苞苴廢馬常齋官燭不蕪芴無媵妾何須夏侯之簾坐謝管絃奚取文饒之鐵而以關稅之盈餘補窮吏之虧缺卻銅員之進納愍遠道之倥傯飲漸水以明心看西山而拄笏馬援車內無南海之珠犀兼瓊筍中少西蜀之文綺此其操履之介潔也然使苦節自貞罔恤涸鮒則飢桑有困餓之呼伯桃有廩寒之泣可言耿守難語宏仁先生則篤散故舊聯屬支親頡解左驂屢指困粟憐其貧也賚之以澆浙之資愛其才也飲之以編緝之費骨而

肉之枯醜能言羽而毛之墮翮斯翥雖束絹有所自來而
麥舟在所不恡此其宅心之慈惠也若其邳張大矩條貫
治謨容乃休休明不察察不革陋規俾下吏克全不奏私
書俾憇人知媿鼓不鳴而丸消銅不銹而賸足安孫恩反
側之黨翦徵側滋蔓之徒魚通之烽燧久銷瓦斯之夾壩
不放時和歲稔民歸千里之畿講讓型仁愛深三年之教
此其政治之脩明也而又知人則哲悅士如飢用當其材
人不求備藥籠所貯咸赤箭與青芝夾袋所收悉錦帽而
繡帽拔國淵於末寮識州泰於冗職被薦者罔知至名受
恩者不謝私室桃李之於荆棘趙宣以喻陽虎陸斌之於

養素堂文集

卷六

三

瑤琨伯昏以訓國僑鑒別卽精簫勺自協此其愛賢之真
誠也夫有廣大和平之識乃大麗幟顯鑠之功有堅固博
厚之德乃臻扁善疋信之年所以德配馬夫人以淑女而
述君子以媵星而配上公封膺申國之尊誕毓象賢之嗣
齊眉而蘭茝多馥偕老則山河是宜况先生德劬而學益
醇佐高而意彌下守繪丘之三語得顛畫之大端是眞
聖朝之圭臬絳縣之朋儀也從此算延東父希有題銘雉
斟彭錢元无契理則名公之平格阿衡之耆耆不佞多矣
某等不文謹臚其質彼丹爾瓊霄應眞八百白蓮碧薤鴻
朗三千從涉形容羌無故實卽唐帝八眉古彊知數周王

雙足孟歧親承螭頭支牀黃安三見鶴爪画字蘇沈千秋
亦屬讐言奚當眞誥曷若繹姜鼓之綰綽句亾錫齡誦荀
况之旗幢性禾抽穎庶幾雲敷隊裏畫錦堂前可以侑霞
觴申雩祝矣乎是爲序

宮保中堂制府臚堂夫子暨師母馬氏一品夫人六
十雙壽序

粵聞伋極者祿必豐朝廷所以茂酬庸之典名章者壽必
曼造物所以宏錫福之權良由德副乎才調梅奏能於燮
鼎功豐於望隆棟拔跡於飛蓬用能甲啓黃庭亥滋絳縣
道成鳩而稭盈鶴算恭集木而顏脫松喬也猗惟我相國
養素堂文集卷六

三

老夫子大人律性稔情壇言坊行操必得之券握自然之
符探無極之厚恢有容之度而復齊眉相敬以偕老結髮
丛吉而儷光是眞

熙朝之个臣生崧申伯無愧天下之大老平格召公矣方
其髫齡擢穎觴歲騰芳鸚薦陵霄雁題在埕日五色而成
瞻枝萬年以詠詩校秘商之奇書簞玉堂之舊事流輩咸
斂手焉洎登諫垣屢抒讜議神莘一角威鳳先鳴鱗鬣鄙
憲之風鄂鄂周舍之氣遠猷辰告可著爲科密勿指陳隨
焚其草載荷

恩言迭司文柄麻朝過皁白蟻籥雲區冶吹鑪青萍吐月

凡豫秦之俊黔粵之英莫不稟神墨而趨程聽乳鐘而發
聯

仁宗睿皇帝重其器識鑒乃公忠擢爲江西贛南道輅車
所至甘雨自飛祛宿弊以掃氛頒治法如流水省桁楊而
空貫索民則無菅實倉庫而補漏卮吏斯不蠚旋調廣東
惠潮道風聲所樹鳧藻靡涯驛突入鞮鳴臬革響沃充之
牧邊徼野被桑麻度尚之綏遐卹息枹鼓尋升江西按
察使心秤稱物肺石消寃祥徵穆滿之書典循高密之約
盈山惻尔唐林之愍赤衣執燭泫然盛吉之秉丹筆照有
碑而在口臣如水以爲心於是布雲南布政使之

養素堂文集

卷六

三

授藩條亾示槃木興歌金法初行厥銅足額士舍右軍而
宗尼父夸變左言而化兜離激濁揚清擻淨鴉礮之浪彰
善蘭惡鏡銜雞足之峯於是浙江巡撫之

命諸司葉拱石畫咸遵百姓鵬騰草纓自耻夜佗禁而火
息暴征敢而商安水滿西湖不以擘箋而厭事葵開俶塔
亦或蠟屐以頤情越紐之風俗還淳句章之山川重秀維
時孫恩雖殪徐道之黨猶存徵側就禽盧循之徒未盡

先皇重安州之寄遂任爲兩廣總督焉嚴海禁而盜糧絕
清尺籍而游手歸馬流多梟筭之人軻迎雙鹿龍編無化
虎之吏穀衙五羊劓舊俗於蠶蠱蛇妖柁林芟草而憤叱

柔遠人於紅毛碧眼蠻貨狎波以麇來羣水不飛信如是
已在笮蜀扼坤維民饒嫫劃木多叢又鄂潛銅弩以吹虺
雪窟峙邛籠倚石樓而突豕竿橋之馬跡如織皮艇之鷁
冠爭呼自夫子之移節也錦江波貼玉壘塵空苾部魚頭
不戴鐵釜馬湖蛇尾罔鉤孺嬰竇獻賤而蠻輸榷酒誓龍
而矢摧虎遂乃修文翁之石室飾杜甫之草亭翼蔭市槐
比杏林於魯國士薄僮約做客嘲於子雲城闕之甍不聞
叟達棘鞮以外自化狂獠蓋有韋皋之恢宏而兼章仇之
謹飭者矣今

天子踐阼召爲刑部尚書敬式蘇公繼咎繇而明允和寬

養素堂文集

卷六

畜

定國如雋氏之平反俄以畿輔浩穰

授爲直隸總督嗣宗戢化絮掾畏威旂先納租里皆安堵
河鬣流而匏葉海轉粟於雲帆政通人和胥吏簡而結牂
年豐歲稔太人占而夢魚

聖上念敷歷之勞簡綸扉之畀命協辦大學士仍視總制
事盧牟在握湧喜無儔

皇猷因之黼黻品類藉以陶甄卜袁氏之祚延三公奕世
信文遠之謀大千里傾風今夫陳椽者流才難周世暝姝
之子智不範身或誚臯瑁徒譏刺促卽乏手鶉之輓斷何
能腸鐵以剛中因窺我夫子學以靜爲根意以誠爲主經

權竝用寬兼施亦鉤距而得情詭筭在側不紛擾以成
務藻鑑凌虛蓋信本於誠信則符之表也仁原於靜仁則
壽之徵也茲者羽觴良辰爲幕府縣弧之會幔亭吉旦值
中閨設悅之期佳日春秋滿林簪笏有鳳有凰擊節而聽
簫音如山如河委蛇而宜象服三霄湛露視瓊液而猶濃
一品仙衣共采霞而比燦三心五噉丙丁之極耀相暉二
首六身甲子之朔籌增衍智珠遠照玉汝銜恩於閭閻性
禾長春鱗吾謚憾於寮案固不必侈言彭鏗之斟雉沈義
之跨麟已矧某等夙沐恩澤敢忘萬規慚籠內之蓼苔厠
門前之桃李會聞保艾臺萊自異於薜蘿尚見姜叟綰綽
養素堂文集 卷六 五

虔嫻於梨棗陋熊經與鳧浴杖屨何愚媿佛臘與仙塵旌
期不倦共看予菴賜算青鸞翔三素之雲無須黃銅築廡
赤石儲八齋之藥謹爲序

誥封光祿大夫少司空顧雲岩先生暨德配誥封一
品何夫人六十雙壽序

蓋聞厯情律性道必族於成鳩腹義嬰仁齡斯延於斟雉
况乎鹽梅

帝載僚采翹風黼黻

皇猷聲名曜日陋鹿車之偕輓對鴻案之齊眉宜其亢角
含光句芒錫策於三素方朏振響智瓊列籍於九靈也猗

惟雲岩先生晉國之魁儒也霍岳高峯汾河巨浪接人
屋約已繩堅信珙球之自然實觚觚之鮮偶垂髫鬢靄佩
鱗騰芳鶚厲翮於秋霄杏簪萼於春宴木天翔步窺蠹娟
之古圖粹殿校書識枚叢之奇字雅望孚於

淵鑑考官昇以江蘇珊網菊揆玉尺平度青萍躍匣而吐
鶚白蟻振鬣以歎沙

聖意曠溫士論鼓諫則有贊善中允之遷動有楷模咸服
膺於裴瓚言多補益預

顧問於景山則有侍講之授上丹宸之箴文清而旨遠諳
青史之箴度粹而容調則有左右庶子之轉不尚春粵擷

養素堂文集

卷六

三

家丞之秋實亦欣鱗躍忘樞密之雞棲乃任國子祭酒焉
醉六經之芳芬文學領衷稽十鼓之原委儒林丈人佗諸
生規能容虎臣之諫受孔子戒不拜鷲嶺之師遂升詹事
府少詹事卽授內閣學士時則太翁精神矍鑠比鉅里之
伏波太夫人福履綏康如幔亭之魏姥我先生馨蘭侍膳
潔茵承歡斑采孺唬而學萊雞鳴寢側而問豎椿蘭日麗
香薦潞澱之魚護室風蘇篋陳蒲桃之錦矧有陰慶之兒
喜爲李孟之弟夜共姜被晨偕孔殮詠鄂附之棣萼盼接
葉之荆樹解千盃之劍何論田租製四時之衣迨及脂燭
此真難逢之盛事罕覲之休徵已當其爲工部侍郎也慎

憎水衡深知地防上季彥之輿圖藏於秘府姍文元之讖
記績在共工其爲吏部侍郎也品藻清濁權衡重輕人無
滯才王勿冲之簡要門無別竇盧子若之廉平其爲兵部
侍郎也金法受風馬政觀火四方無債師干城寄部振之
賢八屯有精兵祿糈散虞峻之惠至於總裁之任學政之
官皆簡拔乎人才供馳驅於皇路清而不矯公則生明皖
公山之大木隳棗無餘章貢水之明珠網羅咸得皆蘇軾
失李定詩以志慚而陸贄得韓愈榜乃無敵先生之執事
有恪斯

朝廷之嚮用方隆乃有都察院左都御史之擢而以察典

養素堂文集

卷六

七

仍守司空翔實首公斐諶厲志兼管圖法磨鎔之弊調不
通情賊緡錢之用給豈非

熙朝之柱石士苑之鳳麇乎而德配何夫人淑齋其身柔
嘉維則恩周臧獲惠洽宗鄰服阿錫之麤翬罔注女訓飽
羅蘭之澹粥時尙庖廚可謂貴而能勤仁必得壽矣茲者
序屆飼蠶辰逢放鵠拊蝸徽以謹韻鶴自雙飛憑烏几而
裁箋藝方四照某等深欽懿嫩敢贅讐言持荃公圭壁之
觴繹荀卿旗幟之說愧乏衎議莫稱木公金母之仙緣聊
抒葵傾庶當芸館蘭臺之實錄云爾

